



Олий ва ўрта махсус таълим вазирлигининг
2021 йил "3" март
-сон буйруғига 17-илова

“Ўзбекистон ёшлари бузғунчи ғояларга қарши” мавзусида “Энг яхши инфографика” номинациясидаги масофавий танлов НИЗОМИ

I. Умумий қондалар

1. Олий ва ўрта махсус таълим вазирлиги томонидан Ўзбекистон Ёшлар ишлари агентлиги билан ҳамкорликда 2021 йил 29 январда тасдиқланган “2021 йил Ёшлар ўртасида маънавий-маърифий ва тарбиявий ишлар самарадорлигини ошириш бўйича Олий ва ўрта махсус таълим вазирлиги тизимида амалга ошириладиган ишлар юзасидан чора-тадбирлар Дастури”нинг 32-бандида белгиланган вазифалар ижросини таъминлаш мақсадида ташкил этилади.

2. “Ўзбекистон ёшлари бузғунчи ғояларга қарши” мавзусида “Энг яхши инфографика” номинациясидаги масофавий танловда олий таълим муассасаларида тахсил олаётган талабалар ўзларининг ижодий ишлари билан иштирок этади.

3. Танлов “Энг яхши инфографика” номинациясида масофавий ўтказилади.

4. Танловнинг олий таълим муассасаси бошқичларини ташкил этиш ва ўтказиш жараёни олий таълим муассасалари Ёшлар масалалари ва маънавий-маърифий ишлар бўйича проректор ва бўлим бошлиғи томонидан амалга оширилади.

II. Танловнинг мақсади ва вазифалари

5. Танловнинг асосий мақсади - ёшларнинг ҳуқуқий саводхонлиги ва ҳуқуқий маданиятини ошириш, жамиятда вужудга келиши мумкин бўлган бузғунчи ғояларга нисбатан тоқатсизликни шакллантириш, давлат ва жамият ҳаётининг барча соҳаларида вайронкор ғоялардан огоҳлантириш бўйича чораларни амалга ошириш, ҳуқуқбузарликлар содир этилгани учун жазо муқаррар эканлигини чуқур англатиш мақсадида олий таълим муассасалари талабаларини дунёвийлик, ватанпарварлик руҳида тарбиялашга қаратилган амалий чора-тадбирлар ва маънавий-маърифий ишларнинг таъсирчанлигини ошириш, ёшларимизни ҳар томонлама соғлом ва баркамол этиб тарбиялаш, ўз иқтидорларни намоён этишлари учун шарт-шароитлар яратиш ҳамда мустақил ва эркин фикрга эга истеъдодли ёшларни қўллаб-қувватлашдан иборат.

6. Танловнинг вазифалари қуйидагилардан иборат:
ёшларнинг ҳуқуқий саводхонлиги ва ҳуқуқий маданиятини ошириш;
олий таълим муассасаларида ёшларни вайронкор ғояларга нисбатан муросасизликни шакллантириш,

ёшларимизни давлат ва жамият ҳаётининг барча соҳаларидаги вужудга келиши мумкин бўлган иллатлардан огоҳлантириш,

ёшларимизни ҳар томонлама соғлом ва баркамол этиб тарбиялаш, ўз иқтидорларни намоён этишлари учун шарт-шароитлар яратиш ҳамда мустақил ва эркин фикрга эга истеъдодли ёшларни ҳар томонлама ривожлантириш;

ёш авлодни ҳар томонлама етук, юксак маънавиятли, интеллектуал салоҳиятли, ота-онасига, Ватанига садоқатли инсонлар қилиб тарбиялаш, дастурнинг мазмун-моҳияти тарғиботи таъсирчанлигини ошириш;

“Ўзбекистон ёшлари бузғунчи ғояларга қарши” мавзусида ўтказиладиган “Энг яхши инфографика” номинациясидаги талабаларнинг ижодий ишларини кенг жамоатчиликка етказиш.

III. Танловни ўтказиш босқичи ва муддатлари

7. “Ўзбекистон ёшлари бузғунчи ғояларга қарши” мавзусида ўтказиладиган “Энг яхши инфографика” номинациясидаги масофавий танлов уч босқичда ўтказилади.
- биринчи босқич – академик гуруҳлар талабалари ўртасида жорий йил октябрь ойининг биринчи ўн кунлигида ўтказилади;
- иккинчи босқич – факультетлараро уларнинг ғолиблари ўртасида октябрь ойининг иккинчи ўн кунлигида ўтказилади;
- учинчи босқич (якуний) – олий таълим муассасалари ғолиблари ўртасида жорий йил ноябрь ойининг биринчи ўн кунлигида ўтказилади.

IV. Танловни ташкил этиш ва ўтказиш

8. Танловнинг биринчи ва иккинчи босқичини ўтказиш бўйича олий таълим муассасаси ректори буйруғи билан Ташкилий қўмита ва соҳа профессор-ўқитувчилари, олимлари, мутахассислари, жамоат ташкилотлари вакилларида иборат таркибда Ҳакамлар хайъати тузилади.

9. Талабалар томонидан йўналишлар бўйича тайёрланган ижодий ишлар факультетлар ва ОТМ кесимида тузилган Ҳакамлар хайъати томонидан танлов шартлари ва мезонлари асосида баҳоланади.

10. Танловнинг учинчи босқичини ташкил этиш ва ўтказиш Ташкилий қўмита томонидан амалга оширилади. Танловнинг якуний босқичи ғолибларини аниқлаш бўйича Ҳакамлар хайъати тузилади ва танлов ғолиблари Ташкилий қўмитанинг йиғилиш баёни орқали тасдиқланади. Хайъат таркибига соҳа бўйича етук мутахассислар жалб этилади.

V. Танлов шартлари ва баҳолаш мезонлари

11. Танловга тақдим этиладиган мақолалар қуйидаги мезонларда баҳоланади:
- мавзунинг мазмун-моҳияти тўлақонли очиб берилганлиги (илмий, расмий, бадий критерияларига мос ва мавзу долзарблигига кўра);
 - мавзунинг ёритишда креатив инфографикалардан фойдаланиш даражаси ва тахлилий ёндашувлар, мустақил фикрларнинг аниқ билдирилганлиги;
 - мавзунинг ёритишга ўзига хос ижодкорлик хусусиятлари ифода этилганлиги;
 - мавзунинг ёритишда ҳаётий мисоллардан кенг фойдаланилганлиги ва менталитетимизга мос манбаларни ёритилганлиги;
 - мавзуга оид долзарб масалалар, уларнинг ечимлари тўғрисида таклифлар келтирилганлиги;
 - мавзунинг талаба-ёшлар ҳаёти боғлиқлиги;
12. Тақдим этиладиган инфографикалар сони 5 тагача бўлиши мумкин.
13. Ҳар бир мезон 10 баллик тизим асосида баҳоланади (жами 60 балл).

VI. Ҳужжатларни тақдим этиш тартиби

14. Олий таълим муассасаларида иккита йўналиш бўйича ғолиб бўлган, 1 ва 2-ўринни эгаллаган талабаларнинг ҳужжатлари (*баённомаси ва қарори, ғолиб бўлган талабанинг ижодий материаллари ва 10x15 ҳажмдаги фотосурати (электрон шаклда)*)ни Вазирлик ҳузуридаги Ташкилий қўмитасга тақдим этилади.

15. Танловга тақдим этиладиган инфографикалар PowerPoint, PhotoShop, CorelDraw дастурларидан фойданишлари мумкин. Ёзма материалларнинг 1-нусхасида талабаларнинг ўқиш жойи, факультети, курси ва таълим йўналиши тўлиқ кўрсатилади, 2-нусхасида ўқиш жойи, факультети, курси ва таълим йўналиши кўрсатилмайди.

16. Юқоридаги талабларга жавоб бермайдиган ижодий ишлар қабул қилинмайди.

VII. Танлов ғолибларини тақдирлаш

17. Танловнинг биринчи ва иккинчи босқичида юқори (1-, 2-, 3-) ўринларни эгаллаган талабалар Олий таълим муассасалари томонидан махсус диплом ва қимматбаҳо совғалар, шунингдек, танловда фаол иштирок этган талабалар таълим муассасасининг фахрий ёрликлари билан тақдирланади. Юқори (1-, 2-, 3-) ўринларни эгаллаган талабаларнинг ижодий ишлари Олий таълим муассасаси расмий сайтлари ва ижтимоий тармоқларида ёриштилади.

18. Танловнинг “Энг яхши инфографика” номинацияси бўйича Республика босқичида ғолиб бўлган талабалар қуйидаги тартибда пул маблағлари ва Олий ва ўрта махсус таълим вазирлигининг дипломлари билан рағбатлантирилади:

“Ўзбекистон ёшлари бузғунчи ғояларга қарши” мавзусида ўтказиладиган “Энг яхши инфографика” номинациядаги масофавий ижодий ишлар:

1-ўрин – 3 000 000 (уч миллион) сўм;

2-ўрин – 2 000 000 (икки миллион) сўм;

3-ўрин – 1 000 000 (бир миллион) сўм.

Шунингдек, Танловнинг йўналиши бўйича Республика босқичида юқори балл тўплаган талабалар Олий ва ўрта махсус таълим вазирлигининг фахрий ёрлиғи билан тақдирланади. Талабаларнинг энг сара ижодий ишлари Олий таълим муассасаси расмий сайтлари ва ижтимоий тармоқларида ёриштилади.